

holter-oder Krametsvögel Lörchen/ Dauben/ Ambster/ vnd vil andere der zähmeren gattung/ so geessen werden.

Demnach die Gesang-Vögel/ dero vnzahlbar vil/ vnd hie zunamb-
sen/ theils vnnothig/ vnd theils vnmüglich. Letzlichen auch die Raub-
Vögel/ vnd die so zu dem Fäderspiel gebraucht werden: Als die Sey-
ren oder Geyr-Adler/ sonderlich aber auch der Gold-Geyr/ also ge-
nann/ von seiner rothen Brust. Es will auch Geyr/ daß der rechte
Adler in disen Bergen gefunden werde / davon ich nichts gesehen
weiß / weiße Geyren werden wol bey Glarus gefunden/ aber der Bein-
stöffer/ oder der Beinbräcker ist wol in diser gegne gesehen worden.

Item die Falcken/ Sperwer/ Habich/ Blawfuß/ Schmirlein/
Wannenweher/ Dorn-Egersten/ oder Dorn-Dräher vnd Wind-
häß/ wie auch die Ohrenkaugen/ Nachteylen/ gemeine Raugen vnd
Stein-Käuslin.

Storcken vnd Schwalben/ vnd etliche Geschlechte der Speyren/ finde
man da ein vberfluß.

Diweil ich nun auff die Materj der Vöglen kommen/ vnd sich et-
liche Gedenkwürdige sachen diser enden mit etlichen Vöglen zugetra-
gen/ will ich von ihrer Wichtigkeit wegen etliche allhero setzen/ vnd erst-
lich von dem Geyren/ nachmahlen von anderen auch etwas wenigis sagen.

Von dem Geyrenschreibend Plin. vnd Aristot. vnd wölland / der
Adler vnd Geyr seye ein Vogel / daß aber Albert. M. verneinet/ vnd
sagt Olaus: der Geyren seyend sechßerley/ aber der Edel-Geyr sie der
gröste/ vnd anderthalb mahl grösser dann die anderen / wird auch ein
Bergfalk genant/ der seye rothfärbig/ vnnnd werde selten gesehen.

Dies ist eben die Art/ meines erachtens deren so bey vns vmb den See/
auch in den höchsten Gebürgen gefunden werden / dise sind sehr Neübig/
Grimmig vnd grausamb / tragen ganze Lämblin/ Kitzlin/ Murrel-
thier / junge Gembs / vnd Haasen hinweg / ja sie dörfen auch wol die
Menschen angreiffen / wie dann offenbahr / vnd sich Anno 1610. im
Jenner zugetragen / daß ein starcker Mann auß Lowers/ dem löblichen
Vrth Schweyß zuständig / dem Lowerer See nach / auff Schweyß/
durch einen kleinen Wald geyret / hat er daselbst im Wäldlin / eben
an dem Weg / einen starcken Geyr-Vogel auff ihne an Boden wart-
end gefunden / da der Vogel sich auff das wenigst nichts gesehuet noch
sich schrecken lassen / sonder den Mann mit solcher Vngestümmigkeit
(welch